

Sanaartornermut Ataatsimiititaliap
siunnersuutip aappassaaneerpeqarnissaanut

ISUMALIUTISSIISSUTAA

una pillugu

**Uunga siunnersuut; Kalaallit Nunaanni sumiiffinni amerlasuuni unammilleqatigiinneq
amingarsinnaasartog ataqqillugu piffissap ilaani biiliniq misissuisarnissamut
siunnersuusiortussanik suleqatigiisitamik suligasuartussanik ataatsimoorluni
pilersitsinissaq kissaatigalugu danskit Transportministereqarfiannut
saaffiginneqqullugit Naalakkersuisut peqquneqarnissaanik Inatsisartut
aalajangiiffigisassaattut siunnersuut.**

Inatsisartunut ilaasortaq Steen Lyngge, Demokraatit

Sanaartornermut Ataatsimiititaliap suliarinninnermini ilaasortarai:

Inatsisartunut ilaasortaq Anders Olsen, Siumut, Siulittaasoq

Inatsisartunut ilaasortaq Peter Olsen, IA, Siulittaasup tullia

Inatsisartunut ilaasortaq Bentiarraq Ottosen, Atassut

Inatsisartunut ilaasortaq Justus Hansen, Demokraatit

Inatsisartunut ilaasortaq Pele Broberg, Parti Naleraq

UKA2018-imi ulloq 26. oktober siullermeerinninnerup kingorna Sanaartornermut Ataatsimiititaliap siunnersuut misissorpaa.

Siunnersuutip imarisai siunertaalu

Biiliniq misissuisarnerit ingerlareersut siuarsarneqarnissaannik qulakkeerinninnissamut Naalakkersuisut peqquneqarnissaat siunnersuutip siunertaraa.

1. Siunnersuutip Inatsisartuni siullermeerneqarnera

Ataatsimut isigalugu partiinit tamarmiunit siunnersuut tapersorsorneqarpoq. Politikkikkut Inatsisartunit oqariartuuteqarneq Naalakkersuisut Trafikministerimik Danmarkimi ataatsimeeqateqarnissamut nassarsinnaagaa, Sanaartornermut ataatsimiititaliap paasivaa.

Ataatsimiititaliap siunnersuummik suliarinninnera

Suleqatigiisitamik pilersitsisoqareernikummat inatsisissatut siunnersuutip nutaanik aningaasartuutunik nassataqarnissaa naatsorsuutigineqanngilaq, ataatsimiititaliap maluginiarpaa.

Biiliniq misissuisarnissamik pisussaaffiliilluni eqqussinerup maannamut annertunerusumik aserfallatsaaliuineramik nassataqassasoq, tamannalu innutaasunut suliffeqarfinnullu aningaasartuuteqarnissamik kinguneqassasoq naatsorsuutigineqassaaq. Akerlinganilli angallannikkut isumannaallisaa nerulernermik inunnillu annaassinernik kinguneqassaaq.

Siunnersuutip bremsit, biilit assakaasui, aquutit, qulliit il.il. isumanaatsuunissaasa qulakkeerneqarnissaat angallannikkut isumannaatsuunerup inunnillu annaassisinnaanerup qitiutinneqarnissaa Sanaartornermik ataatsimiititaliami ilaasortat pingaaruteqarluinnartuusoq isumaqarput.

Siunnersuutip aningaasatigut kingunerisassai


Siunnersuutip nalinginnaasumik oqaaseqarfigineqarnerani aningaasaqarnikkut kingunissai siunnersuutip piviusunngortinneqarnerata ataani allassimapput.

Sanaartornermut Ataatsimiititaliap siunnersuummi allassimasumit allaanerusumik nalilersuinissamik pisariaqartissimanngilaa.

Ataatsimiititaliap inassuteqaatai

Siunnersuutip taama iluseqarluni Inatsisartunit akuerineqarnissaa Sanaartornermut Ataatsimiititaliap isumaqatigiittup inassutigaa.


Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.



Anders Olsen, Siulittaasoq




Bentiarq Ottosen



Peter Olsen, siulittaasup
tullia



Justus Hansen



Pele Broberg